

# LLOYD, JOHN (1638 - 1687), pennaeth Coleg Iesu yn Rhydychen, ac esgob Tyddewi

**Enw:** John Lloyd  
**Dyddiad geni:** 1638  
**Dyddiad marw:** 1687  
**Rhiant:** Morgan Lloyd  
**Rhyw:** Gwryw  
**Galwedigaeth:** pennaeth Coleg Iesu yn Rhydychen, ac esgob Tyddewi  
**Maes gweithgaredd:** Crefydd; Addysg  
**Awdur:** Walter Thomas Morgan

mab Morgan Lloyd o Bendain, o un o hen deuluoedd Myrddin. Ymaelododd yng Ngholeg Merton, Rhydychen, 10 Mawrth 1656/7, graddiodd B.A. yn 1659, M.A. yn 1662, B.D. 15 Mawrth 1669/70, a D.D. yn 1674. Daeth yn gymrawd o Goleg Iesu yn fuan ar ôl yr Adferiad, ac ef oedd y cymrawd hynaf pan etholwyd ef yn bennaeth y coleg hwnnw yn 1673 fel olynydd i [Syr Leoline Jenkins](#). Bu'n is-ganghellor y brifysgol, 1682-5. Gwnaed ef yn rheithor Llandawke, Sir Gaerfyrddin, yn 1668, Llangwm, Sir Benfro, 1671, a Burton, 1672. Penodwyd ef yn gantor eglwys gadeiriol Llandaf, 9 Ebrill 1672, ac yn drysorydd 10 Mai 1679. Cysegrwyd ef yn esgob Tyddewi yn Lambeth 17 Hydref 1686 gyda'r hawl i gadw Llandawke a Burton 'in commendam.' Yr oedd ar y pryd yn wael ei iechyd, ac o'i anfodd y derbyniodd ei ddyrchafiad. Bu farw yng Ngholeg Iesu, 13 Chwefror 1686/7, a chladdwyd ef yn y capel yno. Yn ôl pob tebyg nid ymwelodd erioed â'i esgobaeth.

## Awdur

Walter Thomas Morgan, (1912 - 1990)

## Ffynonellau

*Oxford Dictionary of National Biography*

Hardy, *Jesus College* (1899)

Alcwyn Evans, 'Bonedd y Cymru' yn *NLW MS 12356*

## Dolenni Ychwanegol

VIAF: [94592865](#)

Wikidata: [Q6245033](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

